

## E3ERA à NEHEMIA

Papia qizec i jahe Judañic jañe Babilonia märeñko kâpâcwârueo jumbiñkonec waharâ märeñ-jeñicko risierâ juhapie qäreñ-jofakicne. Jahe Binañ Qâhâczi binañ bawareku râewec ira hâcne zuhuckerâ bakopirec. Erâ papia jajahec i mârâc jaha bâturec-jofapie mocjaha erâ fowec. Izi zâhec ine mocwâc bârâwiñ-jofarâ Binañ Qâhâc papia irec râpenao râembiñ fokopirec hâcne. Papia qäreñ-jofapic qäreññic i jahe taha ufug â Judañic jañere juju â eebapa â sâcmutâc dâñ erâ Lewiñic jañere dâñ i binañ sasawa mutâcnehuc qäreñkepic hâcne. E3era â Nehemia papia i jahe jara damen 300 B.C. faicnao qäreñ-jofakicne mecne.

Papia jajahec irec mañnao dâñ qäreñkepicne forakac izi zinguc nâzâkac: Wofuñ Anutuzi Judañic jañere faio wiac ñemâcne fuñne fuñne râeme feme zârâ zâpâ faio juhuc kâpâcwârueo ficko rambiñ. Eme ira juku mañjeñic bârisierâ nemu wiac jañerao qohotahuc arañ babajare mâsi i beheñâ mamacfâc-jeñic jañere märeñko risierâ Anutue ñicfâc mocwâc juniñte mañhâhâñ ejarewec. Eme irec porofete Jeremiazi kâpâcwârueo findañdâñ mecne, erâ Anutuzi juku mocwâc maic-jopahuc hone mañ ejareocmu irec findañdâñ muwec i mâmâc fârio qame Wofuñzi bafic-jopame risiembij hâcne.

## E3ERA

E3era papia mañnao dâñ wiac gâcne forakac ine kecziñuc:

**Gar 1-6.** Ira Judañic gâcne jañe Babilonia märeñko kâpâcwârueonec waharâ Serubabezi micne bajareha Juda märeñ-jeñicko risierâ mitio juju â eebapa-jeñic hefârockepie Judañic kikefuñ mocwâc fuawec, irec dâñ fokac. Ehame juwicnao râsifâc-jeñic jañe taha ufug hetâc qâtâtiembij i mocwâc heqârehuc bakupie fuawec. Wiac i sasawa Kiruzi Perisia ñicwofuñ juhame (599-530 B.C.) fuawec.

**Gar 7-10.** Ira ine E3era e Judañic jañere miti qaquzu moc juweczi Babilonia märeñkonec Judañic gâcne jañehac risierâ kikefuñ bafic-jopaha mocwâc fua tâcnembij, irec binañ fofârekac.

Eme damen i sasawa irec zâñe zinguc muengopenen: Jerusalem haere bâbâpiñ â heheqâre gie damen namba wân.

### Kiruzi dâñ musawewec

(Bin II, 36: 22-23)

**1** Jeremiazi Wofuñte dâñ mufuawec i fârinehec eocte Perisia ñicwofuñ Kiruzi fuñkerâ ñicwofuñ juwec jara ira Wofuñzi mañ baafec ecneme dâñ mume uucmañ-ticne sâcke-fârerâ rawec â papiao wâc zinguc qäreñ-kewec:

<sup>2</sup> “Perisia ñicwofuñ Kiru no kecziñuc mukopac: Sambâñte Wofuñ Anutu e märeñne märeñne irec uucmañ i zengoma tahacnuwec, ehuc Juda märeñko Jerusalem hae ñekac ira fic moc bacnepemurâ munarewec. <sup>3</sup> Eme ñicfâc-ticne jañeraonec moczi moc ñondeñ-jeñicko jukacko Anutu-ticnezi ehac juzejec. Eme e Juda märeñko Jerusalem hae ñekac ira ferâ Israere Wofuñ Anutu e Anutu mocjahazi Jerusalem haeo jukacte ere ufug i mocwâc

heqârerâ bazejec. <sup>4</sup> Erâ zikare nâfocne hae mârenj ira me ira jaba jurangopien jaje hae runezi Jerusalem haeo Anuture ufunj nekac irec binje buafecko taha râekicne ira zuhuckerâ njic buc buc siliwa â gol â mafa erâ qowi wiac jarehuc bafic-jopanzepien.”

### **Kâpâcwâru bacjopa rakicne jaje Jerusalem haeo risiembij**

<sup>5</sup> Injuc mume Juda â Benjamin guru garikiñ sâc irec micne â taha bapa â Lewinjic jaje faharembij. Jerusalem haeo Wofunje ufunj gewec i heqârerâ baniñte Anutu njic buc buc mañ baafec ejarewec jaje hâcne rambiñ. <sup>6</sup> Ehamé diguracfâc-jenjiç jaje buafecko taha râekicne ira zuhuckerâ siliwa kuzi wiac â gol â mafa erâ qowi wiac jarehuc bafic-jopambiñ. <sup>7</sup> Eme Perisia njicwofunj Kiru e Nebukanezazi Wofunje ufunjkonec râqâc wiac Jerusalem haeonec bararâ nemufâc-ticne jañere ufunjko râeme gewec i wâc bawahawec. <sup>8</sup> Ehuc monenj sonañ Mitiredate ecneme eki Judanjic fekcicne, zâñene Sesibaza e wiac i sasawa wose biric ecnewec. <sup>9</sup> Eme wiac irec zare ine zinguc: Gol râqâc 1 tausenj â siliwa râqâc 1 tausenj jaha, erâ taha bâzi ririkere oto 29. <sup>10</sup> Erâ gol gomba 30 â siliwa gomba funje funje 2 tausenj 410, erâ râqâc wiac gâcne gâcne 1 tausenj. <sup>11</sup> Gol â siliwa wiac sasawa qâtureme qâqâhâc zare-jenjiç 5 tausenj 469 ewec. Eme kâpâcwâru bacjopa rakicne jaje Babe mârenjkonec Jerusalem haeo bârisiec-jopambiñ damenj ira Sesibazazi wiac sasawa zi injuc jaha bârisiewec.

### **Judanjic kâpâcwâruonec risiembij**

(Neh 7: 5-73)

**2** Babe njicwofunj Nebukanezazi Juda mârenjkonec kâpâcwâru bacjoparâ Babe mârenjko amec-jopa rawec njic i jañeraonec kecziñuc jaje Jerusalem â Juda mârenjko risiehuc buc buc hae-jenjiç sâc râwiñnembij. <sup>2</sup> Njic kecziñuc jaje micne bajarehapiç risiembij: Serubabe, Jesua, Nehemia, Seraja, Ralaja, Morodekai, Bilisañ, Misipare, Bigiwai, Rehuma Bana.

Eme Israe njic zare-jenjiç ine zinguc: <sup>3</sup> Parosire qâricfâc 2 tausenj 172. <sup>4</sup> Sefatiare qâricfâc 372. <sup>5</sup> Arare qâricfâc 775. <sup>6</sup> Pahati-Moabire qâricfâc, Jesua â Joabe jahere qâricfâc hâcne ine 2 tausenj 812. <sup>7</sup> Elamte qâricfâc 1 tausenj 254, <sup>8</sup> â Zature qâricfâc ine 945. <sup>9</sup> Zakaire qâricfâc 760. <sup>10</sup> Banire qâricfâc 642. <sup>11</sup> Bebaire qâricfâc 623. <sup>12</sup> Azegadere qâricfâc 1 tausenj 222. <sup>13</sup> Adonikamte qâricfâc 666. <sup>14</sup> Bigiwaire qâricfâc 2 tausenj 56. <sup>15</sup> Adinje qâricfâc 454. <sup>16</sup> Aterere qâricfâc, Hisikiare qâricfâc hâcne ine 98. <sup>17</sup> Bezaiçre qâricfâc 323. <sup>18</sup> Jorare qâricfâc 112. <sup>19</sup> Hasumte qâricfâc 223. <sup>20</sup> Gibarare qâricfâc 95. <sup>21</sup> Betelehemte qâricfâc 123. <sup>22</sup> Netofa mârenjkonec njic 56. <sup>23</sup> Anatoti haeonec njic 128. <sup>24</sup> Azamawetare qâricfâc 42. <sup>25</sup> Kiriati-Jearim â Kefira â Beroti jañere qâricfâc ine 743. <sup>26</sup> Rama â Geba jahere qâricfâc 621. <sup>27</sup> Mikimasi haeonec njic 122. <sup>28</sup> Bete â Ai haeonec njic 223. <sup>29</sup> Nebore qâricfâc 52. <sup>30</sup> Magabisi ere qâricfâc 156. <sup>31</sup> Elam wasenere qâricfâc 1 tausenj 254. <sup>32</sup> Harimte qâricfâc 320. <sup>33</sup> Lode, Hadidi â Ono jañere qâricfâc ine 725. <sup>34</sup> Jerikore qâricfâc 345. <sup>35</sup> Sanare qâricfâc ine 3 tausenj 630.

<sup>36</sup> Eme Jesuare kikefunjkonec Jedajare qâricfâc taha bapa jañere zare ine 973. <sup>37</sup> Imere ere qâricfâc 1 tausenj 52. <sup>38</sup> Pasahurure qâricfâc 1 tausenj 247. <sup>39</sup> Eme Harimte qâricfâc 1 tausenj 17.

<sup>40</sup> Eme Hodawiare qâricfâc jaŋeraonec Jesua â Kadimiele jahere qâricfâc Lewinjic 74. <sup>41</sup> Eme Asafare qâricfâc gae hehe njic ine 128. <sup>42</sup> Eme haesac motâc sonaŋ zinjuc jaŋere qâricfâc: Salumte qâricfâc, Atere ere qâricfâc, Talimonŋte qâricfâc, Akubure qâricfâc, Hatitare qâricfâc â Sobaire ŋokâfâc jaŋere qâqâhâc zare ine 139.

<sup>43</sup> Eme taha ufunŋko kiŋaŋ qaqa jumbiŋ ine zinjuc: Zihare qâricfâc, Hasufare qâricfâc, Tabaotire qâricfâc. <sup>44</sup> Kerosire qâricfâc, Siahare qâricfâc, Padonŋte qâricfâc. <sup>45</sup> Lebanare qâricfâc, Hagabare qâricfâc, Akubure qâricfâc. <sup>46</sup> Hagabore qâricfâc, Samalaire qâricfâc, Hanaŋte qâricfâc. <sup>47</sup> Gidelere qâricfâc, Gaharire qâricfâc, Reajare qâricfâc. <sup>48</sup> Reziŋte qâricfâc, Nekodare qâricfâc, Gaŋamte qâricfâc. <sup>49</sup> Uzare qâricfâc, Paseare qâricfâc, Besaire qâricfâc. <sup>50</sup> Asinare qâricfâc, Meunimte qâricfâc, Nefisimte qâricfâc. <sup>51</sup> Bakabucte qâricfâc, Hakufare qâricfâc, Harihurure qâricfâc. <sup>52</sup> Bazelutire qâricfâc, Mehidare qâricfâc, Haresare qâricfâc. <sup>53</sup> Barakosere qâricfâc, Siserore qâricfâc, Temare qâricfâc. <sup>54</sup> Nesiare qâricfâc, Hatifare qâricfâc.

<sup>55</sup> Eme Salomore kiŋaŋ qaqaŋ jaŋere qâricfâc ine zinjuc: Sotaire qâricfâc, Hosoferetire qâricfâc, Perudare qâricfâc. <sup>56</sup> Jalare qâricfâc, Darikonŋte qâricfâc, Gidelere qâricfâc. <sup>57</sup> Sefatiare qâricfâc, Hatilire qâricfâc, Pokere Zebaimte qâricfâc â Amire qâricfâc.

<sup>58</sup> Eme taha ufunŋte kiŋaŋ qaqaŋ â Salomore kiŋaŋ qaqaŋ jaŋere ŋokâfâc qâqâhâc zare-jenji 392.

<sup>59</sup> Eme guru kecziŋuc jaŋe Israe guruonec me mâcne irec funŋe mecne, me kikefun â apa njiric ŋurucfâc-jenji jaŋere funŋe mecne mi manahuc sifu Telemeha â Teleharsa â Kerubu â Adaŋ erâ Imere haeonec fisimbiŋ: <sup>60</sup> Delajare qâricfâc â Tobiare qâricfâc â Nekodare qâricfâc, qâqâhâc zare-jenji ine 652. <sup>61</sup> Eme taha bapa jaŋere qâricfâc kecziŋuc jaŋe wâc fisimbiŋ: Habajare qâricfâc, Hakoziere qâricfâc, Barizilaire qâricfâc, e Gileade njic Barizilaire otâfâc jaŋeraonec moc ŋonâŋ-ticne rowecte kimo-ticnere wase bambiŋ. <sup>62</sup> Eme guru i jaŋe njic gaŋne gaŋne fua wefumbiŋ jaŋere birio zâŋe-jenji. basambiŋ. Eme irec erâ jaŋe wâwânâŋhec muhuc taha bapa birio mi zuhuc-jopambiŋ. <sup>63</sup> Eme jaŋe nânâ tirine i micwirec mi nânâ mâc juhapie juku taha bapa moc fuarâ dâŋ mumutarare ma Urim â Tumim jahe mu wioc ejacteocne mâreŋ sonaŋ sâkozi jazawec.

<sup>64</sup> Eme kikefun qâqâhâc zare-jenji i 42 tausen 360. <sup>65</sup> Eme jaŋerao zuhuc-kerâ kiŋaŋ qaqaŋ-jenji njic â ŋokac 7 tausen 337, iŋuczi jumbiŋ. Erâ gae hehe njic â ŋokac 200-zi jumbiŋ. <sup>66</sup> Eme becâsicfâc-jenji i 736 â buli-makaofâc-jenji ine 245. <sup>67</sup> Â kamelefâc-jenji i 435 â dongifâc-jenji ine 6 tausen 720, iŋuc juarembiŋ.

<sup>68</sup> Eme garikigne garikigne jaŋere micnefâc tucne jaŋe Jerusalem haeo Wofunŋte ufunŋewec ira fisirâ ŋerjetac-ticne mocwâc bafaharenigte Anuture ufunŋte taha buafecko râembiŋ. <sup>69</sup> Jaŋe tâpiri-jenigte sâcko gie irec kânŋŋko gol ŋemâc-ticne 61 tausen â siliwa ŋemâc-ticne 5 tausen, erâ taha bapa ŋaqi 100 iŋuc râembiŋ.

<sup>70</sup> Eme taha bapa â Lewinjic erâ njic ŋokac tucne jaŋe Jerusalem hae â rârec rârec ira hae-jenji icko jumbiŋ. Ehame gae hehe njic â haesac motâc sonaŋ â taha ufunŋko gie bambiŋ jaŋe iŋuc jaha hae-jenji icko jurambiŋ, â Israe njic jaŋe wâc hae-jenji sâc jurambiŋ.

### Anutu numu hefârec eecne i mocwâc heqârembiŋ

**3** Israe ɲic jaŋe hae-jeɲic sâc juhapie mosa 7 wahame maŋ mocjaha ehuc Jerusalem haeo tumagne-fârembiŋ. <sup>2</sup>Ehame Jozadacte ɲokâ Jesua â taha bapa âgofâc-ticne erâ Sealitire ɲokâ Serubabe â soctofafâc-ticne jaŋe faharerâ Anuture ɲic Mosere sâcmutâc dâŋko qâreŋkekiecne irec sâcko qowi bâzi rikenigte Israere Anutu ere alata bambiŋ. <sup>3</sup>Jaŋe mâreŋ sâc irec ɲicne ɲicne jaŋere hâwic-jopawecte alata i fuŋkerâ ɲeŋe-ticnao bapie ɲewec. Eme jaŋe ira Wofuŋte qowi bâzi i furic owâc rikembiŋ. <sup>4</sup>Erâ mujarekiecne irec sâcko tiri bozere hombaŋ ɲembiŋ. Ehuc mumutâc dâŋko zare mutâcne-jarekiecne irec sâc zoaŋne zoaŋne qowi bâzi rike jumbiŋ. <sup>5</sup>Eme ira zuhuckerâ dameŋ sâc wiac kecziŋuc wâc rike râec ejumbiŋ: Qowi bâzi, mosa furunere taha bâzi, dameŋ mukicnao Wofuŋte tiwâ bâzi erâ buafecko Wofuŋ taha babacne. <sup>6</sup>Jaŋe mosa 7 irec zoaŋ gie bapa fufuŋkenao fuŋkerâ Wofuŋ qowi bâzi rikecnembiŋ. Erâ ine Wofuŋte taha ufufuŋ irec hoβeteŋne i biac mi râembiŋ. <sup>7</sup>Eme irec jaŋe moneŋ i qânâzi fic bapa ɲic â kamunda jarembiŋ. Ehuc nânâ opâ â wokemaŋ ine Sidon â Tiro ɲic jaŋe Lebanon mâreŋkonec jâmâzâc jâc i Perisia ɲicwofuŋ Kiruzi mana-jarewec irec sâc hâwecko Joŋe haeo bafisinigte jarembiŋ

### Taha ufufuŋ mocwâc heqârerâ bambiŋ

<sup>8</sup>Eme jaŋe Jerusalem haeo Anuture ufufuŋko fisirâ juwefukupie jara namba 2 irec mosa jajahec eha Sealitiere ɲokâ Serubabe â Jozadacte ɲokâ Jesua jahe gie fuŋkehapire qomâfâc-jekic gâcne taha bapa â Lewiŋic erâ kâpâcwâru bacjopa rakicne jaŋe Jerusalem haeo risierâ bafic-jopambiŋ. Erâ Lewiŋic jara-jeɲic 20-o domarâ faic fekac jaŋe Wofuŋte ufufuŋ irec gie



*Taha ufufuŋ heqârerâ bambiŋ*

qizeckenigte âkendâŋ-jopambiŋ. <sup>9</sup>Eme Jesua â ɲokâfâcne erâ soctofafâc-ticne, erâ Judare qâricfâc Kadimiele â ɲokâfâcne jaŋe Henadadiere ɲokâfâc â Lewiŋic â ɲokâfac-jeɲic erâ soctofafâc-jeɲic jaŋehec Anuture ufufuŋ bambiŋ ɲic i jaŋe hone soŋaŋ ejarembiŋ.

<sup>10</sup> Eme ufufj bambij jage Wofufje taha ufufje hobetefje rãepie tarame Israe gicwofufj Dawidizi mutãcnewec irec sãcko taha bapa jage Wofufj zeri mumufje ecnenifje gaci-jenichec qef barã fisimbij, â Asafare qãricfãc Lewi guru jage wongã-jenichec fisimbij. <sup>11</sup> Ehuc narefj garefjko Wofufj dafje â zeri mumufje ecnehuc gae zifjuc hembij:

“Wofufj e uruc jauf-ticnehec,  
â aki anonoc-ticne i Israe gic nãgãcnao  
fofo sanafj foekac.”

Ehame gic gokac jage Wofufj ufufj-ticnere hobetefj rãepie tarawec irec Wofufj zeri mumufje ecnehuc kãcqene owackembij. <sup>12</sup> Ehame bocjaha jage zeri sãko ehuc owackembij, erã taha bapa â Lewifj bocjaha erã garikifj sãc irec micne gicqizec jage ine ufufj hobetefje rãepie tarawec i honerã ufufj rafqane geme honembifji owa ruruckerã kiombij. <sup>13</sup> Eme mãretec owa ruruckembifje gic gokac taicko juhuc fãnfã manambij jage zerire owa â kifãnfã i sãcne mi mana rãwifj-jofambij.

### Rãsi jage ufufj gie i hetãtiembij

**4** Juda â Benjamin guru kãpãcwãruo bacjopa rambifjkonec risiembij jage Israere Wofufj Anufure taha ufufj i mocwãc bahuc jungopiefj, kisãfãc-jefic jage bife ifjuc manambij. <sup>2</sup> Manarã Serubabe â garikifj sãc irec micne jagerao rarã zifjuc jazambij: “Ifjofe eengopiefj irec sãc jaha nãfe Anufu-genfj dapecneengopenefj, irec ufufj i gnfefhec mãmãc banzef-penefj. Erã nãfe Asiria gicwofufj Esahadofji bacnfãpo fisi zira rãec-nãpowec damefj ira funkerã Anufu taha bãzi rikecnembefji rikecnehuc jungopenefj.” <sup>3</sup> Jage ifjuc mupie Serubabe â Jesua erã Israe mãfnao garikifj sãc irec micne jage kecifjuc jazambij: “Ifjofe nãfefhec Anufu-nãfefce ufufj moc mi banifmu. Nãfe Wofufj, Israere Anufu ere ufufj i Perisia gicwofufj Kiruzi munãrewec irec sãcko bucnfãfec banafmu.”

<sup>4</sup> Ifjuc mupie gic gokac mãrefj rune jage Judafjiczi ufufj zuhuckerã banzifjifje mu bãdoc efarehuc hãhãwic hejarembij. <sup>5</sup> Ehuc Judafjic jagero mamasu qahuc dãfgieo rãec-jopanifje gic micne furi jarembij. Mãsi i Perisia gicwofufj Kirure damefjko fuawec erã wãc ere faicnao Perisia gicwofufj moc, zãfene Dariusi ere damefjko fuawec jaha.

<sup>6</sup> Eme juku Ahasiwerozi funkerã gicwofufj erã juwec damefj ira mãrefj rune jage Juda â Jerusalem hae mãrefj rune dãfj qajarehuc papia qãrefjkecnembij.

<sup>7</sup> Eme Aratazeze damefjko Bisilam â Mitiredate â Tabele, erã ãgofãc-jefic sasawa jage Perisia gicwofufj Aratazeze e papia qãrefjkecnembij. Erã papia i Aramaia dãfjko qãrefjkecicnere bãtikiembij. <sup>8</sup> Momori micne Rehum â qãqãrefj gic Simisai jahe Jerusalem hae rãsi rocnehuc papia moc qãrefjkerã gicwofufj Aratazezerao rãepire rawec. <sup>9</sup> Papia i gic zifjuc jage qãrefjkembij: Momori micne Rehum â qãqãrefj gic Simisai erã ãgofãc-jekic gãcne, mumutara gic â mãrefj sofafj â gic fekicne, erã Perisia gic â Ereki gic â Babefjic erã Elanfjic Sũsa haeonec. <sup>10</sup> Erã gic kãcqene â fekicne Asinapazi gic gurune gurune rocjoparã Samaria hae sãc â Eufrata opã ocnifjuc mãrefj fowec ira rãec-jopame jumbij jage mãmãc qãrefjkembij. <sup>11</sup> Jage papia kecifjuc hãcne rãepie rawec: “Ifjicwofufj Aratazeze, kifãf qãqãfãcge Eufrata opã zifjucpec jungopenefj nãfe gore manasuhuc dãfj 3i

râe-garengopenen. <sup>12</sup>Judanîc goraonec wefumbîj jaje Jerusalem haeo rafârembîj, îguc manazemec. Jaje maŋrângeŋheczi hae sâqocne i mocwâc heqârerâ bangopien. Jaje haesacte hobeten sasawa bâpiangehuc bafârengopien. <sup>13</sup>Irec ŋicwofuŋ go kecziŋuc manapaŋkec: Hae zi heqârerâ bahuc haesac zengoma batara-fârenîmuo ine sahac taha hatane fuŋne fuŋne i mi râenîmu, eme ŋicwofuŋ gorao monen fisiekac hata i zickeocmu. <sup>14</sup>Nâŋe ŋicwofuŋ gohec jupene aŋacne eekacte go araŋ bagarehuc dân zi mufua-garengopenen. <sup>15</sup>Irec go apa ŋosafâcge jaŋere gie binante papia qizecko dân kecziŋuc fokac i bâfuacmurâ wose gufuc ezemec: Hae zirec rune jaje maŋrângeŋhec erâ ŋicwofuŋ â mâreŋne mâreŋne irec râsi sanan, jaje juwicnaonectean maŋrângeŋ bâfua warehuc jumbîj. Eme irec hâcne hae zi sesuctac fuawec fokac. <sup>16</sup>Nâŋe ŋicwofuŋ go ziŋuc gazangopenen: Hae zi heqârerâ bahuc haesac i batara-fârenîmo ine go Eufрата opâ ziŋucpec mâreŋ fokac irec rune mocwâc mi jucmu.”

<sup>17</sup>Eme ŋicwofuŋ e okacne ziŋuc râeme rawec: “Momori micne Rehum â qâqâreŋ ŋic Simisai erâ âgofâc-jekic Samaria mâreŋko â Eufрата opâ ocniŋuc mâreŋ fokac ira juŋgopien ŋoŋe bubian dân râe-ŋarekopac. <sup>18</sup>Papia râe-narembîj i furu jaha wose-narembîj. <sup>19</sup>Eme no ŋic gâcne ejarepe wose gufuc eku ziŋuc bâfuambîj: Jerusalem hae rune jaje ŋicwofuŋ râsi ejarehuc maŋsanan â maŋrângeŋ bâfua warehuc jumbîj sanan. <sup>20</sup>Ehuc ŋicwofuŋ tai tâpiri sâko-ŋenichec jaje Jerusalem hae sonaŋkehuc Eufрата opâ ocniŋucnao mâreŋ fokac i wâc mâmâc sonaŋkembîj. Ehame sahac taha hatane fuŋne fuŋne jarehuc jumbîj. <sup>21</sup>Irec ŋoŋe ŋic keci qatara-jarepie hae i mocwâc mi heqârenzepien. Eme jaje mâc juhapie noni mutara-jarepe banzepien. <sup>22</sup>Ŋoŋe ŋicwofuŋtao sisipiric â ima samaki fuazacte wiac i aimuŋ jaha sonaŋkehuc ebac enzepien.”

<sup>23</sup>Eme ŋicwofuŋ Aratazezere papia i Rehum â qâqâreŋ ŋic Simisai erâ âgofâc-jekic wose-jarepie jaje picpac jaha Jerusalem haeo Judanîc jaŋerao rarâ, hae heqârerâ bapa gie i beheniŋte tâpirihec jaha qatara-jarembîj. <sup>24</sup>Eme Anuture ufuŋ Jerusalem haeo ŋewec irec gie i bâniniŋkembîj. Bâniniŋkepie foha juku Perisia ŋicwofuŋ Dariusizi ŋicwofuŋ erâ juha jara jajahec maickewec.

### Taha ufuŋ heqârerâ bambîj

**5** Eme porofete jajahec Hagai â Ido ŋokâ-ticne Zecharia jahe Judanîc Juda mâreŋko â Jerusalem haeo jumbîj jaje qâhuc-joparâ juwec, Anutu hâcne, ere zâŋeo findandân jazapic. <sup>2</sup>Ehame Sealitiere ŋokâ Serubabe â Jozadacte ŋokâ Jesua jahe fuŋkerâ Anuture ufuŋ Jerusalem haeo ŋewec i heqârerâ bapic. Ehame porofete gâcne jaje bafic-jofarâ bambîj.

<sup>3</sup>Eme damen ijaha Eufрата opâ ocniŋucnao mâreŋ fowec irec sonaŋ Tatenai â Seta-Bozinai erâ âgofâc-jekic jaje fisirâ kecziŋuc muhuc jazambîj: “Mozi ufuŋ zi baku bataraŋiŋte mana-ŋarewec?” <sup>4</sup>Erâ wâc ziŋuc wio-jarembîj: “Ufuŋ zi bangopien ŋic i jaŋere zâŋe mo?” <sup>5</sup>Mâc Anutuzi ine Juda micne hone sonaŋ ejarewecte mi bâniniŋ-jopahuc irec bigedân moc Dariusirao rame bâfuarâ irec okacne papiao bârisie-jareocte manasumbîj.

<sup>6</sup>Eme Eufрата opâ ocniŋucnao mâreŋ fowec irec sonaŋ Tatenai â Seta-Bozinai erâ mâreŋ sonaŋ âgofâc-jekic Eufрата opâ ocniŋucnao jumbîj jaje

papia râepie njicwofuŋ Dariusirao rawec. <sup>7</sup>Jane njicwofuŋ dân binaŋ ecnehuc zinguc qâreŋkembij: "Njicwofuŋ Dariusi, wama gorao fozejec. <sup>8</sup>Njicwofuŋ go zinguc manac: Nâŋe Juda mâreŋko Anutu fekiecne sâko ere ufufuŋ njekac ira rambeŋ. Ufufuŋ i qânâ kâcŋene sâkozi bambij â haesac i katapazi basanŋkembij. Erâ gie i aljakic jaha bapie fua-hâmokac. <sup>9</sup>Eme nâŋe soŋaŋ micne zinguc muhuc wio-jaremben: 'Mozi ufufuŋ zi baku bataranigte mana-jarewec?' <sup>10</sup>Erâ njic micne bajarepie gie i bangopien jagere zâŋe qâreŋkerâ râepene fâme honecmurâ zâŋe-jenigte wâc wio-jaremben. <sup>11</sup>Eme jane okacne zinguc bâtikie-nârembij: 'Nâŋe sambân â mâreŋte Anutu ere kiŋaŋ qaqaŋâc. Nâŋe Israe njicwofuŋ fekiecnezi mârâc jaha ufufuŋ baku batarawec i mocwâc heqâreŋgopenen. <sup>12</sup>Apa ŋosafâc-nâŋec jane sambânge Anutu aaric bâfuacnepie Kaldea njic Babe njicwofuŋ Nebukanezare meo râec-jopame eki ufufuŋ zi bâsirowehuc njic njokac rocjoparâ Babe mâreŋko bacjopa rawec. <sup>13</sup>Ehame juku Babe njicwofuŋ Kiruzi fuŋkerâ njicwofuŋ ewec jara ira njicwofuŋ eki ufufuŋ zi heqârerâ bananŋte mana-nârewec. <sup>14</sup>Ehuc Anuture ufufuŋte kuŋi râqâc wiac gol â siliwazi bakicne i Nebukanezazi Jerusalem hao taha ufufuŋ njewec irecne ro bararâ Babe taha ufufuŋko râewec. Eme wiac i njicwofuŋ Kiruzi Babe taha ufufukonec bawaharâ e jahac njic moc zâŋene Sesibaza mâreŋ soŋaŋ âkendânnewec ere meo râewec. <sup>15</sup>Ehuc zinguc âzâcnewec: "Go kuŋi râqâc wiac zi rorâ bara Jerusalem hao taha ufufuŋ njekac ira râezemec. Erâ Anuture ufufuŋ i mutec ŋeŋetac-ticnao banzepien." <sup>16</sup>Eme Sesibaza e warerâ Jerusalem hao Anuture ufufuŋ njekac irec hobeten râewec. Eme damen irecneceŋ bawefuhuc jaha jungopenen, erâ mi tarakac.' <sup>17</sup>Irec njicwofuŋ go manatec sâckeme Babe mâreŋko ira njicwofuŋte papia ranqane qâzuckekicne fokac ira wose gufuc ezemec. Ehuc njicwofuŋ Kiruzi Jerusalem hao Anuture ufufuŋ mocwâc heqârerâ banigte moc mana-jarewec me mâcne i honezemec. Ehuc njicwofuŋ go dân weniguc manasukic i râe-nâretec honenzepenen."

**6** Eme njicwofuŋ Dariusizi mutâcne-jareme Babe mâreŋko wiac ranqane râe guruc ekicne fic ira babassa gie fuŋkembij. <sup>2</sup>Eme juku hae qizec Ekebatana Mede mâreŋko njewec ira papia foforinŋekicnao dân zinguc qâreŋ-kekicne i bâfuambij: "Dân binaŋ moc. <sup>3</sup>Njicwofuŋ Kiruzi fuŋkerâ njicwofuŋ ewec jara ira dân moc zinguc mutarawec: Anuture ufufuŋ Jerusalem hao ŋeha taha â qowi bâzi rike jumbien ufufuŋ i mocwâc heqârerâ bazo. Erâ hobetene i sananŋea râezo, erâ hânne â otecne i 60 kubi sasawa efârezejec. <sup>4</sup>Erâ qânâ i faio fefe râepie arec jahac â moc ezejec, â katapa ine arec mocjaha sawa râezo. Eme irec furi i njicwofuŋ kânŋkonec rozo. <sup>5</sup>Erâ wâc Nebukanezazi Anuture taha ufufuŋ Jerusalem hao njewec irecne kuŋi râqâc wiac gol â siliwazi bakicne i rorâ Babe mâreŋko bawarewec i mocwâc Jerusalem hao bârisierâ Anuture taha ufufuŋko ŋeŋe-jenŋic sâc râezo."

<sup>6</sup>Papia i bâfuarâ wosepie Dariusizi dân okacne keczinguc râe-jareme rawec: "Eufrata opâ ocniŋucnao mâreŋ fokac irec soŋaŋ Tatenai â Seta-Bozinai erâ mâreŋ irec soŋaŋ âgofâc-ŋenŋic sasawa ŋoŋe mâc behec-jopanij. <sup>7</sup>Behec-jopapie Anuture ufufuŋ irec gie i zuhuckerâ banij. Ehame Judaŋic jagere mâreŋ soŋaŋ â Juda soŋaŋ micne jane Anuture ufufuŋ i mocwâc ŋeŋetac-ticnao heqârerâ banzepien. <sup>8</sup>Erâ manangopien, no Juda

sonaŋ micne Anuture ufuŋ heqârerâ bahapie ŋoŋe kecziŋuc ejareninŋe mutâcne-ŋarekopac: Eufрата opâ ocniŋucnao mâreŋ fokac irec sahaç taha monerŋ ŋicwofuŋte kânŋŋko huekac i ŋic keci jaŋe biac jâmbân jarenzeŋieŋ. <sup>9</sup> Erâ sambân Anutu qowi bâzi rikecneninŋe bulimakao ŋicne me lama ŋicne â motecne, me padi me hâwec me waiŋ me wokemaŋ wiac Jerusalem haeo taha bapa jaŋe mupie sâc 3oaŋne 3oaŋne 3u3uhuc jaha jarehuc junzeŋieŋ. <sup>10</sup> Iŋuc epie jaŋe Anutu taha bâzi âsu biac rikecnehuc ŋicwofuŋ â ŋokâfâc-ticne jaŋere erâ numunzeŋieŋ. <sup>11</sup> Erâ wâc 3iŋuc mutâcnekopac: Moc e mumutâc 3i herisierâ moc muocmu e ine ficticnere wâtufŋ nenŋocne i qâunuckerâ âkendânnehuc ira bituanzeŋieŋ â ficticne ine sesucne fuarâ fozejec. <sup>12</sup> Anutu e jahac 3âŋe-ticne ira foocte giene bawec, irec ŋicwofuŋ me ŋic izi me izi mumutâc 3i hetikieocmu me Jerusalem haeo Anuture ufuŋ ŋekac i hetâtieocmuo ine Anutuzi e wâc iŋuc jaha bârârânzezejec. Dariusi noni mumutâc 3i râekopac irec sâc jâmbân aimuŋ efârezo.”

<sup>13</sup> Eme Eufрата opâ ocniŋucnao mâreŋ fowec irec sonaŋ Tatenai â Seta-Bozinaŋ erâ âgofâc-jekic jaŋe ŋicwofuŋ Dariusizi dâŋ râehuc mutâcnewec irec sâc aimuŋ jaha ebac embiŋ. <sup>14</sup> Ehame Juda sonaŋ jaŋe porofete Hagai â Ido ŋokâ-ticne 3ekaria jahe findaŋdân mupic i bâjâpêhuc ufuŋ baku batarambiŋ. Jaŋe Israere Anutu ere mumutâc erâ Perisia ŋicwofuŋ Kiru â Dariusi â Aratazeze jaŋere mumutâc irec sâcko baku batarambiŋ hâcne. <sup>15</sup> Eme ufuŋ i Dariusizi ŋicwofuŋ jume jara 6 eha Adari mosa irec 3oaŋ gie bapa jaheç â moc ira bâzickembij.

<sup>16</sup> Eme Israe ŋic ŋokac â taha bapa â Lewiŋic erâ kâpâcwâru bacjopa rakicnaonec risiembij jaŋe zengoma Anuture ufuŋ zeri bubiaŋ faio mutirimbiŋ. <sup>17</sup> Eme Anuture ufuŋ mutirihuc taha bâziŋe wiac 3iŋuc râembij: sasawa ŋicguru zare-ŋeŋicte sâc sâqocne tâtâmire taha noniŋ ŋicne 12. <sup>18</sup> Iŋuc erâ Mosere papia qizecko dâŋ qâreŋkekicne fokac irec sâcko Jerusalem haeo Anuture kiŋaŋ qaninŋe taha bapa guru-ŋeŋic sâc â Lewiŋic guru-ŋeŋic sâc râec-jopambij.

<sup>19</sup> Eme fufuŋke mosare 3oaŋ gie bapa 14 ira kâpâcwârueo bacjopa rakicnaonec risiembij jaŋe aakic hombaŋ ŋembij. <sup>20</sup> Taha bapa â Lewiŋic jaŋe zengoma eemasari gie bahuc qaqacke-fârembij. Ireç jaŋe kâpâcwâru bacjopa rakicnaonec risiembij jaŋere biŋe mecne â taha bapa gorewacfâc-ŋeŋic jaŋere biŋe mecne erâ wâc jaŋe jaŋacne biŋe mâmâc aakic lama qa hezuc embij. <sup>21</sup> Eme aakic lama i Israe ŋic kâpâcwârueonec risiembij jaŋe mecne â mâreŋ rune ŋicne ŋicne jaŋere eebapa repicnaonec hockerâ Israere Wofuŋ Anutu fodapecneninŋe Israe ŋic jaŋerao zuhuckembij jaŋe mecne mâmâc nâmbij. <sup>22</sup> Ehuc poroŋ goreŋ tâmiric nânâ irec hombaŋ i zeri bubiaŋ faioa ŋehapie 3oaŋ gie bapa 7 tarawec. Wofuŋ e Asiria ŋicwofuŋte maŋ bâtikieime jaŋerao fome Anutu, Israere Anutu hâcne, ere ufuŋ bapa giere bafic-jopawecte zeri bubiaŋ faio hombaŋ ŋembij hâcne.

### E3era â gurufâc-ticne jaŋe Jerusalem haeo risiembij

**7** Eme irec faicnao Perisia ŋicwofuŋ Aratazeze e ŋicwofuŋ gie-ticne bahuc juhame jaha Azariare ŋosa Seraja ŋokâ-ticne Ezerazi risiewec. E apa ŋiric ŋurucfâc-ticne ine 3iŋuc: Hilikia, <sup>2</sup> Salum, Zadoko â Ahitubu,



<sup>3</sup> Amaria, Azaria â Merajoti, <sup>4</sup> Zerakia, Uzi â Buki, <sup>5</sup> Abisua, Pinehasi, Eleaza â taha bapa micne Aroņ. <sup>6</sup> Eme Ezera e hâcne Babe mâreņkonec risiewec. E miti qaquz erâ juhuc Israere Wofuņ Anutuzi sâcmutâc dâņ Mose râcnewec irec mamana saric juwec. E Wofuņ Anutu-ticnezi bafic-kewecte wiac sasaware ņicwofuņ numucneme manacnewec.

<sup>7</sup> Eham Aratazezezi ņicwofuņ juhame jara 7 ewec dameņ ira Israe ņic tucne, erâ taha bapa â Lewiņic â gae hehe ņic â haesac motâc soņaņ â taha ufunte kiņaņ qaqa tucne Jerusalem hao risiembig wâc. <sup>8</sup> Eme Ezera e ņicwofuņzi gie-ticne bahuc juhame jara 7 irec mosa wahame arec 5 ewec dameņ ira Jerusalem hao fisiwec. <sup>9</sup> E fufuņke mosare 3oaņ gie bapa 1 ira Babe mâreņkonec faharewecte rahuc juku mosa wahame arec 5 ewec irec 3oaņ gie bapa 1 ira Jerusalem hao fisiwec. E Anutu-ticnere mesanaņzi basanaņkeme fisiwec hâcne. <sup>10</sup> Ezera e Wofuņte sâcmutâc irec mamana gie bahuc bâjâpeocte maņticne domawec, ehuc Israe magna dâņsanaņ â mumutâc-ticne i jaza qazuc eocte maņkewec hâcne.

<sup>11</sup> Eme ņicwofuņ Aratazezezi papia 3iņuc qâreņkerâ taha bapa â miti qaquz erâ Israe ņic jaņere Wofuņte sâcmutâc â mumutâc irec mamana saric Ezera e râcnewec: <sup>12</sup> "ņicwofuņ jaņere ņicwofuņ Aratazeze noni taha bapa â sambânte Anuture sâcmutâc dânte qaquz Ezera gore bubiaņ dâņ 3i râekopac. <sup>13</sup> No 3iņuc mutarakopac: Uucmaņ-naneo Israe ņic jaņeraonec ņic i me i, me taha bapa me Lewiņic jaņe gohec Jerusalem hao ranigte maņjeņiczi afeckeme sâcne ranzepieņ. <sup>14</sup> Go ņicwofuņ â soņaņfâc-nane 7 nâņe Judaņic â Jerusalem hao rune jaņe Anutugere sâcmutâc dâņ megao fokac irec sâcko juņgopieņ me weniguc irec fuņne hone manac ecmurâ sorecgungopeneņ. <sup>15</sup> Erâ ņicwofuņ â soņaņfâc-nane nâņe buafec jaha Israere Anutu Jerusalem hao ņeņe juju eekac ere taha siliwa â gol râemberņ i baracmurâ sorecgungopeneņ wâc. <sup>16</sup> Erâ Babe mâreņ sâko irec magna siliwa â gol bâfuacmu i mecne, â ņic ņokac me taha bapa Jerusalem hao Anuture ufuņ ņekac irec biņe buafecko taha râembig i mâmâc barazemec. <sup>17</sup> Eme go moneņ izi aimuņ jaha bulimakao ņicne â lama ņicne â motecne, erâ padi â waiņzi taha i furine barâ Anutugere ufuņ Jerusalem hao ņekac irec alata faio taha râezemec. <sup>18</sup> Erâ go â qomâfâcge ņoņe siliwa â gol nâfocne ņeocmu i Anutu-ņeņiczi guriņ baņareha iguc me iguc ezo eņareocmu sâc eņzepieņ. <sup>19</sup> Erâ kuzi râqâc wiac Anutugere ufunte giere biņe garekicne i Jerusalemte Anutu ere maio râezemec. <sup>20</sup> Erâ dameņ ira me ira Anutugere ufunte wiac i me i moc basapie ine ņicwofuņte kânoņkonec moneņzi kitâcneme roâ râezemec.

<sup>21</sup> "Eme ņicwofuņ Aratazeze no Eufрата opâ ocniņucnao mâreņ fokac irec moneņ soņaņ juņgopieņ sasawa jaņe 3iņuc mujarekopac: ņoņe taha bapa â sambânte Anutu sâcmutâc dânticnere qaquz Ezerazi wiac irec me irec mujareme aimuņ jaha ebac eņzepieņ. <sup>22</sup> Ehuc siliwa ņemâc-ticne 100 â padi târu 100 â waiņ 3opo 100 â wokemaņ 3opo 100 jaha râcnenzepieņ, â hâwec ine 3are tâmiric. <sup>23</sup> Sambâņ Anutuzi wiac irec me irec mutâcne-ņareocmu irec sâc jaha ufuņ-ticnere ezo, juku kimberņ-ticnezi ņicwofuņ no â ņokâfâc-nane nâņere uucmaņ imackezacte. <sup>24</sup> Erâ wâc 3iņuc ņazaņ-gopeneņ: Taha bapa â Lewiņic â gae hehe ņic â motâc soņaņ â taha ufunte kiņaņ qaqa, me Anuture ufunte kiņaņ qaqa i me i jaņe sahac taha fuņne fuņne râeniņte 3oqac mi ejaņenzepieņ.

<sup>25</sup> "Eme Ezera go ine Anutugere maņqârâņ gare tahac ekicne fogarekac

irec sâcko sâcmutâc mamana â mumutara njic âkendân-jopatec Eufрата opâ ocnigucnao mâreñ fokac irec njic ñokac jungopien jañerao mumutara gie bahuc junzepien. Anutugere sâcmutâc dâñ manaengopien njic igucne râec-jopazemec, â njic gâcne sâcmutâc dâñ mi manaengopien jañe ine qazu-jarezemec. <sup>26</sup> Eme moc e Anutugere sâcmutâc dâñ me njicwofunje sâcmutâc dâñ mi reñkeocmu e hâmocte biñe ezejec. Me hâmocte biñe mi eme guru-ñejickonec bârârienzepien, me mafa wiac-ticne jâoc ronzepien, me kâpâcwâru ficko ñeocte mutaracnenzepien.”

<sup>27</sup> Apa ñosafâc-nâñec jañere Wofun Anutu e muac baafec ecnezo! Eki hâcne njicwofunje mañ baafekeme Wofunje ufun Jerusalem hâeo ñekac i ericke bâpiañ enañte bafic-nâpokac. <sup>28</sup> Erâ mume njicwofun â sonjañ fekicnefâc-ticne tâpiriheç jañe nore manapie sâckewec. Eme Wofun Anutu-nanere mezi basanañnume hâbiheç erâ Israe guru sâc irec micne jañe nohec mâmâc ranañte hetumañ-jopapo.

### Ezeraheç Babe mâreñkonec risiembiñ jañere zâñe

**8** Aratazeze e njicwofun juhame garikiñ sâc irec micne â gañne gañne fua warembiñ jañeraonec njic kecziñuc jañe nohec Babe mâreñkonec risiembiñ: <sup>2</sup> Pinehasire qâricfâc jañeraonec Geresom. Itamare qâricfâc jañeraonec Danie. Dawidire qâricfâc jañeraonec ine Hatusi, <sup>3</sup> e Sekaniare qâric. Eme Parosire qâricfâc jañeraonec Zekaria, eme ehec njic 150 wose qâreñ ejarembiñ. <sup>4</sup> Eme Pahati-Moabire qâricfâc jañeraonec ine Zerahiare ñokâ Elie-Hoenai, eme ere guruo njic 200-zi jumbiñ. <sup>5</sup> Eme Zature qâricfâc jañeraonec ine Jahazielere ñokâ Sekania, eme ere guruo njic 300-zi jumbiñ. <sup>6</sup> Eme Adiñte qâricfâc jañeraonec ine Jonatanje ñokâ Ebede, eme ere guruo njic 50-zi jumbiñ. <sup>7</sup> Eme Elamte qâricfâc jañeraonec ine Ataliare ñokâ Jesaja, eme ere guruo njic 70-zi jumbiñ. <sup>8</sup> Eme Sefatiore qâricfâc jañeraonec ine Mikaere ñokâ Zebadia, eme ere guruo njic 80-zi jumbiñ. <sup>9</sup> Eme Joabere qâricfâc jañeraonec ine Jehiele ñokâ-ticne Obadia, eme ere guruo njic 218-zi jumbiñ. <sup>10</sup> Eme Banire qâricfâc jañeraonec ine Josifiare ñokâ Selomiti, eme ere guruo njic 160-zi jumbiñ. <sup>11</sup> Eme Bebaire qâricfâc jañeraonec ine Bebaire ñokâ Zekaria, eme ere guruo njic 28-zi jumbiñ. <sup>12</sup> Eme Azegadere qâricfâc jañeraonec ine Hakatanje ñokâ Johanañ, eme njic ehec jumbiñ jañere zare ine 110. <sup>13</sup> Eme Adonikamte qâricfâc jañeraonec zâheç fisimbiñ jañere zâñe ine Elifele, Jeuele â Semaja, eme jañehec ine njic 60-zi jumbiñ. <sup>14</sup> Eme Bigiwaire qâricfâc jañeraonec ine Utai â Zâkuru, eme jañehec njic 70-zi jumbiñ.

<sup>15</sup> No Ahawa mâreñkopec opâ rakac ira hetumañ-jopape teun âterâ zoañ gie bapa jaheç â moc jumben. Ehuc no njic ñokac honec-jopahuc Lewire qâricfâc basac-jopapo. <sup>16</sup> Irec no njic micne â mamana saric njic kecziñuc jañe râec-jopape rambiñ: Elieze, Ariele, Semaja, Elenatañ, Jaribi, Elenatañ, Natañ, Zekaria â Mesulam erâ qaquzu Joaribi â Elenatañ jahe wâc mâmâc. <sup>17</sup> Njic i jañe hâcne Kasifia haere micne bapa zâñene Ido erao sorec-jopapo. Ehuc Ido â qomâfâcne taha ufunje kiñañ qaqa Kasifia hâeo jumbiñ jañe dâñ kecziñuc jazaniñte mutâcne-jarepo: “Ñone Anutu-nâñecte ufunko gie bapa njic sorec-jopapie warenzepien.” <sup>18</sup> Eme Anutu-nâñeczi bafic-nâpoha jañe mamana saric njic moc, zâñene Serebia e â ñokâfâcne â soctofafâcne njic 18 sorec-jopapie fisi-nârembiñ. Serebia e Israere ñokâ Lewi ere ñokâ

Malire qâricfâc jaŋeraonec moc. <sup>19</sup> Erâ wâc Hasabia â Merarire qâricfâc jaŋeraonec Jesaja e soctofafâc-ticne â ŋokâfâc-ŋenic jaŋehec ŋic 20-zi fisimbiŋ. <sup>20</sup> Jaŋe Dawidi â micnefâc-ticne jaŋe Lewiŋic hone bafic ejareniŋte taha ufuŋte kiŋaŋ qaqaŋfâc 220 bâwosâec-jopambiŋ jaŋerao zuhuckerâ fisimbiŋ. Ŋic i jaŋe sasawa zâŋe-ŋenic mukicne.

<sup>21</sup> Eme nâŋe nânâcne â naru motecfâc-nâŋec erâ wiac sasawa-nâŋec nâŋe hata biagne fua-nâreme zuhuckerâ ranaŋte Ahawa opâo Anutu-nâŋecte maio rumehuc nânâ sowa junaŋte jazapo. <sup>22</sup> Eme ŋicwofuŋ e momori guru â becâsicko rara ŋic nâreme jaŋe rahapene hatao kisâfâc-nâŋec jaŋere ŋezic-nâponiŋte numucnezore mimiepo. No ziŋuc âzâcnepo irec: "Anutu-nâŋec e wira basac ecneengopier jaŋe mesanaŋ-ticnezi basanaŋ-jopaekac, â e râpeckeengopier ine beheç-jopame kimbeŋ-ticnere zocbârunzi zâseŋ-jopaekac." <sup>23</sup> Ireç nâŋe nânâ sowa juhuc Anutu-nâŋec hata biagnere numucnepene mana-nârewec.

<sup>24</sup> Eme no taha bapa micne 12 ziŋuc bâwosâec-jopapo: Serebia, Hasabia â soctofafâc-jekic 10. <sup>25</sup> Eme no ŋicwofuŋ â micne â fekcinefâc-ticne erâ Israe ŋic mâmâc jumbiŋ jaŋe Anutu-nâŋecte ufuŋ irec taha wiac siliwa â gol â kuzi râqâc râembîŋ i ŋemâc bâbâfuare sâcko râepo. <sup>26</sup> Siliwa ŋemâc-ticne 650 â kuzi râqâc wiac siliwazi bakicne i moner ŋemâc-ticne 100 irec sâc, â gol ŋemâc-ticne 100, wiac i sâcko râerâ mejericko râepo. <sup>27</sup> Erâ oto 20 golzi bakicne i moner 1 tausenzi furi bapanere sâc â kuzi jajahec aeg bâbâroŋ qaqacne â furi sâcko gol iŋucne bakicne i wâc iŋuc jaha jarepo. <sup>28</sup> Ehuc kecziŋuc jazapo: "Ŋoŋe Wofuŋte biŋe qacŋopahuc mufirieç-ŋopakicne â kuzi râqâc wiac i bâtirikicne jaha, erâ siliwa â gol i apa ŋosafâc-ŋenic jaŋere Wofuŋ Anutu e buafecko taha bacnekicne. <sup>29</sup> Ireç ŋoŋe aimuŋ soŋaŋkehuc baraku Jerusalem haeo Wofuŋte ufuŋ magnaŋ taha tapa fekcine â Lewiŋic erâ Israe guru garikiŋ sâc irec micnefâc jaŋere maio guruckenzepier." <sup>30</sup> Iŋuc jazape taha bapa â Lewiŋic jaŋe siliwa â gol erâ kuzi râqâc wiac i barâ juku Jerusalem haeo Anutu-nâŋecte ufuŋko bafisirâ râeniŋte rauckembiŋ.

<sup>31</sup> Eme Jerusalem haeo ranaŋte fufuŋke mosare gie bapa 12 ira Ahawa opâonec faharemben. Eme Anutu-nâŋeczi bafic-nâpohuc hatao kisâfâc-nâŋec jaŋere meonec â somâmaŋkonec batarac-nâpowec. <sup>32</sup> Eme Jerusalem haeo fisirâ zoaŋ gie bapa jahec â moc jumben. <sup>33</sup> Izi hae fureme zoaŋ gie bapa jahec â jahec ira Anutu-nâŋecte ufuŋko siliwa, gol â kuzi râqâc wiac i Uriare ŋokâ taha bapa Meremotire meo râemben. Eme Pinehasire ŋokâ Eleazazi ehewec. Ehame Lewi guruonec ŋic ziŋuczi jahehec mâmâc jumbiŋ: Jesuare ŋokâ Jozabada â Binuire ŋokâ Noadia. <sup>34</sup> Eme wiac sasawa wose-fârerâ ŋemâc bâbâfuare sâcko ŋemâc-ticne papiao qâreŋkembiŋ.

<sup>35</sup> Eme damen ira kâpâcwârû bacjopa rakicnaonec risiembiŋ ŋic ŋokac i jaŋe Israe ŋic sasawa jaŋere biŋe bullimakao ŋicne 12 â lama ŋicne 96 â lama motecne 77 erâ sâqocne tâtâmire taha noniŋ ŋicne 12, iŋuc Israere Wofuŋ Anutu e qowi bâzi rikecnembiŋ. Qowi i sasawa Wofuŋ bâzi rikecnembiŋ hâcne. <sup>36</sup> Ehuc ŋicwofuŋzi papia qâreŋkewec i mâreŋte gurin bapa ŋic â Eufrata opâ ocniŋucnao mâreŋ fokac irec soŋaŋ jumbiŋ jaŋe jarembiŋ. Eme jaŋe ŋic ŋokac hone bafic ejarehuc Anuturê ufuŋ dopeckembiŋ.

## Ezerazi kiŋ bahac-jeŋicte numuwec

9 Eme wiac sasawa i efârepie taramie micne jaŋe fua-narerâ 3iŋuc nazambiŋ: "Israe ɣic ɣokac â taha bapa â Lewiŋic jaŋe mâreŋ rune ɣicne ɣicne kecziŋuc jaŋe dic bajarerâ pectâc mi juengopieŋ: Kanaan ɣic, Hitinɣic, Perizi ɣic, Jebusi ɣic, Amongɣic, Moabi ɣic, Aigita ɣic â Amori ɣic. <sup>2</sup>Jaŋe mâreŋ rune jaŋere otâfâc i jaŋe jaŋacne â ɣokâfâc-jeŋic jaŋere ɣonânɣâc eniŋte rocjopaengopieŋ. Iŋuc ehuc ɣicguru tirine jaŋe mâreŋ rune ɣicne ɣicne jaŋehec sisifuc efâreengopieŋ. Ehame soŋaŋ micne â ɣic kâcɣene jaŋe bâbâsifuc irec micne baengopieŋ." <sup>3</sup>Eme no dâŋ i manarâ ɣaŋi qoruc-nane maŋne â sahaɣne bâsuckerâ qizec susuc â meczâwâ-nane unuckerâ maŋnane ɣâckeme ɣepo. <sup>4</sup>Ehame kâpâcwârû bacjopa rakicnaonec risiembij jaŋe Wofunɣao mi siŋkembijte Israere Anutu dâŋticnere qarac qarac qambiŋ jaŋe zengoma norao tumagne-fârembij. Eme no maŋnane ɣâckeme mâc ɣehuc juhape ɣafere taha bâzi ririke dameŋ maickewec. <sup>5</sup>Eme ɣafere taha bâzi ririke dameŋko nânâ sowa ɣehuc jupoonec faharerâ ɣaŋi qoruc-nane maŋne â sahaɣne suckekicne jaha rojuhuc dieŋzi herâ menane Wofun Anutu-nanerao sicnepo. <sup>6</sup>Ehuc kecziŋuc mupo:

"O Anutu-nane, no gorao zâŋe mai-nane bâfegnepemurâ boc mimierâ weaŋkekopac. Kiŋ bahac-nâŋeczi siric-nâporâ fekac â kiŋnâŋeczi hefâku sambâŋko fisikac hâcne. <sup>7</sup>Apa ɣosafâc-nâŋec jaŋere dameŋkonec juwarekupene dameŋ zi fisikac, dameŋ irec maŋnao kiŋsâkohec jumbenzi juŋgopenen jaŋa. Erâ kiŋ bahac-nâŋecte erâ nâŋe nâŋâcne â ɣicwofun â taha bapafâc-nâŋec nâŋe mâreŋne mâreŋne ɣicwofunɣâc-jeŋic jaŋere meo zikare micko â kâpâcwârûo â mimi qaqa faio fefârembeŋ i dameŋ 3iŋuczia fokac irec sâc. <sup>8</sup>3i ine Wofun Anutu-nâŋec go dameŋ bembegne mac sawa ɣic zanɣagne zi nâŋe juŋaŋte mana-nâreमे, ehuc go ɣahac tiri hae mâreŋ zira sac sapa enâreमे. Go iŋuc ehuc zâŋe-nâŋec batamaerâ niŋgiŋko juju-nâŋec i piticne mac baafecke-nâreमे. <sup>9</sup>Nâŋe niŋgiŋko hâcne juŋgopenen. Erâ Anutu-nâŋec go niŋgiŋko juhapene sifu mi râpec-nâpomeŋ. Anutu-nâŋec, go ufunge âkendâŋnenanŋte Perisia ɣicwofun jaŋere maio bâbâfirie gie bahuc aki anonoc enâreमे. I jaŋe âgo enârehapie sesuctacne i mocwâc heqârerâ bapene Judea maŋnao â Jerusalem haeo ɣezic-nâpocmurâ iŋuc hâcne enâreमे.

<sup>10</sup>"O Anutu-nâŋec, nâŋe wiac fuawec irec faicnao wemo dâŋ moc zuhuckerâ mupene sâckeocmu? Nâŋe sâcmutâc dâŋge râpeckembeŋ hâcne. <sup>11</sup>Go sâcmutâc dâŋ i kiŋaŋɣicfâcge porofete jaŋere micko râehuc kecziŋuc mutâcne-nâreमे: 'Ŋoŋe mâreŋ ro rauc eniŋte razingopieŋ i mâreŋ rune ɣicne ɣicne jaŋe bâbiekupie wâwânâŋhec ewec, mâreŋ qaŋeŋne ɣifeckonec raku ɣifecko qatarakac i eebapa-jeŋic mamakâcnezi fusucmarâ fome wâwânâŋhec efârewec hâcne. <sup>12</sup>Irec ɣoŋe ɣokâfâc-jeŋic jaŋere biŋe otâfâc-jeŋic mi jarenzepieŋ, me ɣokâfâc-jeŋic jaŋere biŋe otâfâc-jeŋic mi rocjopanzepieŋ. Erâ ɣoŋe jaŋere wama me juju hâmo irec mi fotarienzepieŋ. Ŋoŋe iŋuc erâ ɣic sanagne juhuc mâreŋ zirec wiac bianŋe i nâ bac ehuc juku ɣâricfâc-jeŋic jarepie jaŋere biŋe fohuc juzejec sanag.' <sup>13</sup>Eme eebapa sâqocne â kiŋnâŋec ɣemâcne irec okacne fai-nâŋecko fewec i sasawa hone-fârerâ 3iŋuc manangopenen: Anutu-nâŋec, go sâqocne-nâŋecte okacnere sâc i bawahahuc enâreमे, ehuc, zanɣagne mac 3i mana-nâretec juŋgopenen. <sup>14</sup>Irec nâŋe sâcmutâc dâŋge

mocwâc huckerâ ñicne ñicne wiac mamakâcne ebac eengopien jajehec ñokac naren garen epene sâckeocmu me? Iguc enanmuo ine go nâjere aaricgume omatac bacnâpotec hunganne mac moczi moc wiserâ mi juocmu. <sup>15</sup> O Israere Wofun Anutu, go tinne rune, nâje zanzannezi hâcne wisemben jungopenen zi. Manakic, nâje kinheczi maigao jungopenen, irec nâjeraonec moczi moc gore maio sâcne mi domaocmu."

### Ñokac naru motec jabane beheç-jopambin

**10** Ezera e Anutire ufunte manfunko qarâ numuhuc kin bahac mutanin-kerâ kiowec. E iguc ehame Israe guruonec kikefun sâko, ñic ñokac â naru motec jaje erao tumagne-fârembin, ehuc kio sâqorembin. <sup>2</sup> Ehame Elamte qâricfâc jañeraonec Jehiele ñokâ-ticne Sekaniazi Ezera kecziñuc muhuc âzâcnawec: "Nâje mâren zirec ñicne ñicne jañere ñokacfâc rocjopahuc Anutu-nâñec bunao bamben. Erâ sifu Israe e hata-ticne bianne moc bâfuazo murâ sâcne bâfuaocmu. <sup>3</sup> Irec nâñac Anutu-nâñechec zâzâfic moc ehuc bombon-nâñec gore mumutâcte sâcko mecne â Anutu-nâñecte sâcmutâc dâñte erâ qarac qarac qangopien jañere dâñte sâcko mâmâc ñokac zi naru motecfâc-ñenç jajehec beheç-jopanzenen, erâ i sâcmutâc dâñte sâcko enzenen. <sup>4</sup> Ajoc, faharec i gore gie, erâ nâje gohec man mocjaha engopenen; irec sanankerâ ezo." <sup>5</sup> Iguc mume Ezera e faharerâ taha bapa micne â Lewinç erâ Israe ñic sasawa jaje dâñ mukicne irec sâc mujomirerâ eninçe ejarewec. Eme jaje mujomirembin.

<sup>6</sup> Eme Ezera e Anutire ufunmanhonec waharâ Eljasibire ñokâ Johanañte ficmanko ferâ nânâ opâ kikinñerâ mâc waha fowec. E kâpâcwâruneç risiembîn jaje Wofuntau mi siñkembîn irec ki busâqoc ewec hâcne. <sup>7</sup> Eme kâpâcwâruneç risiembîn jaje Jerusalem hao tumagne-fâreninçe dâñ musawepie Juda mârenko â Jerusalem hao sâcke-fârerâ rawec. <sup>8</sup> Eme moc e zoan gie bapa jahec â moc irec mannao mi fisime ine fekiecne â sojan jaje mupie mafa â jufu mumuc-ticne i jâoc rohuc e jahacne ine kâpâcwâruneç risiembîn kikefun i jañeraonec tunkezo.

<sup>9</sup> Eme irec Judanç â Benjamin guru jaje zoan gie bapa jahec â moc irec mannao Jerusalem hao tumagnembîn. Tutuman i moša 9 irec zoan gie bapa 20 ira embîn. Eme ñic ñokac jaje Anutire ufun manfunko hae zoña kâcçene ira wiac irec erâ â hoe micsâko hewecte qarac qarac qahuc ñembîn. <sup>10</sup> Eme taha bapa Ezera e fahare domahuc ziñuc jazawec: "Ñoñe sâcmutâc dâñ huckerâ mâren mockonec ñokac rocjopahuc Israere kin bânqârânkembîn. <sup>11</sup> Eme irec apa gosafâc-ñenç jañere Wofun Anutu erao kin bahac-ñenç mutaninkerâ micticne renkenzenen. Erâ mâren zirec ñicne ñicne â mâren mockonec ñonânfac-ñenç jañerao zuzuhuc-ñenç fokac i hetâcnenzenen." <sup>12</sup> Iguc mume kikefun jaje owa kâcçene owackehuc kecziñuc mumbîn: "Iguc hâcne; nâje goki mukomec iguc jâmbân enzenen. <sup>13</sup> Erâ ine ñic ñokac bocjaha jungopenen â hoe micsâko hekac wâc, irec nâje sawao zira sâcne mi domananmu. Erâ wâc gie zi zoan gie bapa mocjaha me jajahec ira bapane mi ekac, nâje wiac i ehuc bahac bâfua-jâmbânkemben hâcne. <sup>14</sup> Irec fekiecfâc-nâñec jaje kikefun sâko jañere okacne domanzenen. Ehame hae-nâñec sâc ira mâren mockonec ñokac rocjopambîn ñic i jaje sojan â mumutara ñic jajehec damen

mukicnaoa fisi-fârenzepieng. Ijuc epene juku wiac irec Anutu-nâgecte kimbenzi nâgâcnao bârunkehuc fokac i rârizejec.” <sup>15</sup> Eme Asahele nokâ-ticne Jonatan â Tikiware nokâ Jazeja jahe sawa dân i âgo mi ecnepic; Mesulam â Lewiñic jañeraonec ñic moc zâñene Sabetai jahe ine dân i dopeckepic.

<sup>16</sup> Eme kâpâcwârunece risiembij jañe ijuc hâcne embij. Eme Ezerazi garikiñ sâc irec ñic micne buc buc zâñe-jenñic muhuc bâwosâec-jopawec. Eme jañe mosa 10 irec 3oañ gie bapa 1 ira dân i mu honec eniñte waha ñembij. <sup>17</sup> Eme juku fufunke mosare 3oañ gie bapa 1 ira ñic mâreñ mockonec nokac rocjopambij jañe wose biric ejarepie tarawec.

<sup>18</sup> Eme taha bapa jañere qâricfâc jañeraonec mâreñ mockonec nokac rocjopambij i zinjuc bâfuac-jopambij: Maseja, Elieze, Jaribi â Jozadacte nokâ Jesuare qâricfâc jañeraonec ine Gedalia â qomâfâcne. <sup>19</sup> Jañe ñonânfâc-jenñic beheç-jopaniñte mupañkerâ kiñ tatarare taha bâzi rikenñte buc buc sapaonec lama ñicne bafisimbij. <sup>20</sup> Eme Imerere qâricfâc jañeraonec ine ñic zinjuc jañe mâreñ mockonec nokac rocjopambij: Hanani â Zebadia. <sup>21</sup> Harimte qâricfâc jañeraonec ine Maseja, Elia, Semaja, Jehiele â Uzia. <sup>22</sup> Pasahurure qâricfâc jañeraonec ine Elioenai, Maseja, Isimae, Netanele, Jozabada â Elasa.

<sup>23</sup> Eme Lewiñic jañeraonec ine Jozabada, Simeï, Kelaja (e Kelita hâcne), Petahia, Juda â Elieze. <sup>24</sup> Eme gae hehe ñic jañeraonec ine Eliasibi, haesac motâc soñañ jañeraonec ine Salum, Telem â Uri.

<sup>25</sup> Erâ Israe ñic jañerao ine Parosire qâricfâc jañeraonec Ramia, Izija, Malikia, Mijamiñ, Eleaza, Hasabia â Benaja. <sup>26</sup> Elamte qâricfâc jañeraonec ine Matania, Zekaria, Jehiele, Abadi, Jeremoti â Elia. Zature qâricfâc jañeraonec ine Elioenai, Eliasibi, Matania, Jeremoti, Zabadi â Aziza. <sup>28</sup> Bebaire qâricfâc jañeraonec ine Johanañ, Hanania, Zabai â Atelai. <sup>29</sup> Banire qâricfâc jañeraonec ine Mesulam, Adaja, Jasubu, Seali â Jeremoti. <sup>30</sup> Pahati-Moabire qâricfâc jañeraonec ine Adana, Kelali, Benaja, Maseja, Matania, Bezalele, Binui â Manase. <sup>31</sup> Harimte qâricfâc jañeraonec ine Elieze, Isia, Malikia, Semaja, Simeon, <sup>32</sup> Benjamin, Maluku â Semaria. <sup>33</sup> Hasumte qâricfâc jañeraonec ine Matenai, Matata, Zabadi, Elifele, Jeremai, Manase â Simeï. <sup>34</sup> Banire qâricfâc jañeraonec ine Madai, Amaram, Ueli, <sup>35</sup> Benaja, Bedeja, Keluki, <sup>36</sup> Wania, Meremoti, Eliasibi, <sup>37</sup> Matania, Matenai â Josu. <sup>38</sup> Binuire qâricfâc jañeraonec ine Simeï, <sup>39</sup> Selemia, Natañ, Adaja, <sup>40</sup> Mahanadebai, Sasai, Sarai, <sup>41</sup> Azarele, Selemia, Semaria, <sup>42</sup> Salum, Amaria â Josefe. <sup>43</sup> Nebore qâricfâc jañeraonec ine Jelele, Matitia, Zabadi, Zebina, Jadaï, Joele â Benaja. <sup>44</sup> Ñic i jañe sasawa hâcne mâreñ mockonec nokac rocjopambij, erâ naru motecfâc-jenñic jañehç beheç-jopambij.